



## TATA IBADAH KEMITRAAN MODEL B (Etnik)

### BASIAP DIRI

- Latih lagu-lagu baru sambil tunggu basudara yang datang
  - Atau bisa juga pakai rekaman instrument musik yang tenang
  - Pelayan sombayang deng pengurus sama-sama
  - “Marinyo tabaos” par jemat basiap badiri
- M. Basudara samua laki-laki Perempuan GPM di jemaat/sektor .... Mari katong siap hati datang par Tuhan. Samua **badiri** la katong badonci puji Antua Basar deng hati sanang.

*Kostor kasi bunyi lonceng 3x*

### DATANG MENGHADAP TUHAN

(badiri)

Manyanyi Lagu Menghadap Tuhan :

### SOMBA ALLAH TRITUNGGA

- P. Katong badiri dihadapan Allah Bapa,, yang pung kuasa atas dunia deng sagala yang hidop!
- J. Sagala hormat for Bapa pencipta alam semesta!
- P. Katong tundu par Tuhan Yesus Juruselamat dunia!
- J. Sagala puji par Tuhan Yesus yang kasi selamat katong pung hidop!
- P. Sagala hikmat datang dari Roh Kudus!
- J. Katong rasa tenang deng damai tagal Roh Kudus pimpin katong!
- P. Deng nama Tritunggal : Bapa, Anak deng Roh Kudus, katong taru dasar ibadah ini. Salam hormat hormat par basudara samua, Syaloom!!!
- J. Syaloom.!

(duduk)

### PUJI TUHAN PUNG BAE

- P. Mari katong puji nama Tuhan yang su jaga deng piara katong pung hidop ini
- Prmp. Deng suara yang bagus, katong siap puji Tuhan
- Lk-lk. Deng hati yang sanang, katong puji Tuhan pung bae

Manyanyi Puji Tuhan : ..... (*pake cara Antifonis : Laki-laki vs. Perempuan*)

### MANGAKU DIRI

*Ambe waktu sadiki par batado hati deng pikiran*

- P. Tuhan su ciptakan laki-laki deng perempuan sama-sama mulia di Antua pung mata... mulia sama deng Tuhan pung mau... bukan mulia iko dunia pung mau...
- 1 org Katong yang pung kerja hari-hari jadi ibu rumah tangga, dikantor, bajalan papalele
- Pr. Katong yang kerja apa saja par bantu cari nafkah keluarga... deng katong yang juga



baku bantu pelayanan gereja... mari katong inga la mangaku par Tuhan kalo memang ada dalam hidop deng karja, katong balong bisa jadi mulia sama deng Tuhan pung mau...

(masing-masing kaum perempuan inga lalu mangaku par Tuhan)

### **Manyanyi "Yesus yang Termanis"**

*Yesus yang termanis buat jiwaku, buat jiwaku, buat jiwaku*

*Yesus yang termanis buat jiwaku, kucinta s'lamanya*

- 1 org Katong yang pung karja hari-hari, di laut deng hutan, di kantor, di pasar, di jalan raya,  
Lk2. katong yang karja apa saja par cari nafkah keluarga, deng katong yang jadi pelayan  
gareja,, mari katong inga katong pung hidop, la mangaku par Tuhan kalo memang  
ada dalam katong pung hidop deng karja, jkatong balong bisa iko Tuhan pung mau.

(masing-masing kaum laki-laki inga lalu mangaku par Tuhan)

### **Manyanyi "Yesus yang Termanis"**

- P. Mangaku, bertobat dan hidop baru ino Tuhan pung mau. Itu cara yang paleng bae par  
jadi mitra Allah yang sejati. Mari hidop iko Tuhan pung kehendak, supaya katong kasi  
mulia Tuhan pung nama.

**Manyanyi PKJ 184 "Nama Yesus Termulia"** (atau lagu yang sejiwa)

### **DENGAR FIRMAN TUHAN**

**Doa Mohon Roh Kudus :**

**Baca Alkitab :** Berbalasan Laki-laki dan Perempuan

**Refleksi :**

**Lagu Pujian :**

### **JAWAB FIRMAN TUHAN**

**Mangaku Iman :** (badiri)

- P. mari sama-sama katong mangaku iman par Tuhan, katong bilang :  
*"Katong percaya Allah Bapa yang biking gunung tana tanpa katong tinggal deng  
hidop.  
Katong percaya par Tuhan Yesus, yang tagal Roh Kudus pung kuasam Antua larir dari  
Maria.  
Antua sangsara dibawa parenta Pontius Pilatus.  
Antua dapa salib, mati, maso didalam dunia orang mati, tapi hari katiga Antua  
bangkit, nae kasorga, dudu di sabala kanan Allah Bapa.  
Dari sorga, Antua nanti datang jadi hakim par samua orang yang hidop deng yang su  
mati.  
Katong percaya Rohul Kudus, Gereja yang kudus di muka bumi par samua orang  
percaya.*



*Katong percaya Tuhan pasti kas ampong katong pung sagala dosa, dena kasi bangkit samua orang percaya par maso Rumah Bapa yang kekal. Amin."*

(duduk)

### **Bawa Persembahan Syukur :**

- P. Basudara, mari katong bawa persembahan Syukur par Tuhan tagal Antua su kasi berkat par katong.

(waktu kasi persembahan, jemaat manyanyi lagu syukur)

### **Doa Syafaat**

### **TUHAN MENGUTUS**

(badiri)

- P. Saudara-saudara, katong tau kalo Tuhan Allah s'lalu biking sagala hal par bae supaya samua orang yang Tuhan su panggil par jadi Antua pung hamba bisa dapa berkat. Dalam Tuhan, laki-laki deng Perempuan sama-sama dapa berkat yang Antua su janji. Angka hati par Antua la tarima Antua pung janji berkat ini : *"Tuhan kasi berkat dan perlindungan par basudara, Antua kasi tarang hidop deng kasi karunia, antua lia basudara hari ini sampe s'lama-lamanya."*
- J. Menyanyikan PKJ No. 294 "Haleluya, Amin"

$\overline{1\ 3\ 4}\ \overline{5\ .\ 3} \mid \overline{4\ .\ 5}\ \overline{6\ 5\ .\ 3} \mid \overline{4\ .\ 5}\ \overline{6\ 5\ .\ 3} \mid \overline{4\ 3\ 2}\ \overline{1\ .\ .} \parallel$   
 Ha le lu ya    Ha le lu ya    Ha le lu ya    A..... min.